

بِسْمِ اللَّهِ الرَّحْمَنِ الرَّحِيمِ

KHUTBA JUMMAH

HADHRAT AMIR'UL MUMINEEN MUHYI-UD-DIN

Munir Ahmad Azim

24 Avril 2015 ~
(05 Rajab 1436 Hijri)

(Résumé Khutba)

Après ki li fine salué tous so bane disciples (et tous bane musulmans) du monde entier par « Assalamoualaikum Warahmatullah Wabarakaatuhu » Hazrat Muhyi-ud-Din fine commence so Khutba Jummah avec Tashahhud, le Ta'ouz, Surah Al Fatiha, et ensuite li fine dire:

Ena assez longtemps, depuis 4^{ème} calife du Mouvement Ahmadiyya, depuis avant 1993, ena ene nommé Munir Javed ki fine reste toujours le private secretary Khalifatul-Massih ki prend li comme ene grand défenseur du Khilafat-e-Ahmadiyya, kan en vrai dire dans li pé prétendre li conné, mais seulement li pas conné, kot li pé même déconné, et maintenant, de nos jours, li pé amène ene politique anti-Manifestation Divine.

Mo 2 lettres ki mo adresse Khalifa-tul-Massih V pendant mo séjour dans l'Angleterre (UK), le mois Décembre 2014 et alors, c'est kan mo fine retourne à Maurice le 05 Janvier 2015 ki nous fine mette le travail Dawa ki fine faire dans UK et aussi sa 2 lettres là lors website. Le 24 Mars 2015 mo recevoir ene lettre ki sorti bureau private secretary Khalifatul-Massih V et daté le 16 Mars 2015 kot réponse là comme d'habitude, couma panadol ki kot ou aller zot prescrire sa même, ki li dans dispensaire ou l'hôpital, couma dire péna les autres médecines. N'importe ki maladie ene dimoune souffère, c'est panadol même ki vine plus facile pour prescrire.

Munir Javed sahib, réponde dans place le Khalifatul Massih et li même dire ki mo lettre fine recevoir et lire par le Khalifatul-Massih V. D'après lettre là, le Khalifa pas fine objecter de céki fine écrire li. Li pas mentionne nannié de réaction ou de bane paroles ki le Khalifatul-Massih fine mentionné au sujet de sa lettre d'invitation là. Munir Javed li, li prend li pli royaliste ki léroi pour li ajouter, li dire : *Ki Allah Tout-Puissant illumine ou le cœur et de tous céki fine dévié du droit chemin.*

Est-ce-ki Munir Javed capave dire lors ki chemin nous fine dévier ? Mo capave dire ou ki par la grâce d'Allah, Allah fine déverse So lumière lors moi avec bane messages divines. Si Allah pas ti

pour illumine mo le cœur, mo ti pour couma Munir Javed : « **Summum bukmum um-yun fahum la yarjiuun** » – *sourde, muet, aveugle et zot pas pour retourne dans le droit chemin.*

Quand li, Munir Javed fine faire sourde d'oreille, et fine vine muet et aveugle avec banes signes d'Allah, kot li tourne le dos avec banes Manifestations Divines, alors pour sa bane qualité dimoune là, c'est Allah même ki enlève la lumière là de li et fine quitte li et lé zot couma li dans l'obscurité, de sorte qui zot népli capave trouve clair di tout.

Est-ce-qui li même (Munir Javed) capave dire avec certitude, à 100% ki li dans le droit chemin? Est-ce-qui li capave donne la garantie ki paradis fine fini réservé pour li ? Si li ena des doutes à propos mo banes messages ki mo adresser, ki li vine de l'avant et prouver ki li ena raison et cherche l'aide avec n'importe ki et prouver aussi ki nous dans fausseté (bane ki fine reconnaître le Messenger d'Allah, et bane signes et manifestations divines dans sa siècle là). Tanque à moi, mo fine envoyé par mo maitre Allah pour confirme céki ou ena déjà, alors kan péna réponse pour donner, mette ene roche dans ou la bouche pour pas cause n'importe. Pas donne *fatwa* ki pas bizin.

Donc bane insultes et bane mots déplacé zot d'aucaine signification. Tous bane prophètes fine gagne bane insultes et bane mauvais noms ; mais bane ki ena la foi zamais zot rejette aucaine prophète à cause sa. Banes so-called Mullahs couma Munir Javed et les autres fine bafouer l'enseignement pure de Hazrat Massih Maoud (as). Jamaat Hazrat Massih Maoud (as) pas ti bizin ena autant division et de banes disputes après ki zot fine recevoir bane l'enseignement pure et zot ti bizin humble si zot vraiment lors bon chemin. Zot ti bizin rode retire les zot lors mauvais chemin et aussi fer ene manière ki parmi zot grand défenseur sorti ene Jamaat ki appelle dimounes vers le bien, ki ordonne céki correct et empêche céki Allah fine défanne.

Kan ou analyse le comportement et *fatwas* ki bane so-called Mullahs du Jamaat Ahmadiyya donner, couma dire zot fine gagne patente pou juge la foi n'importe ki sane-là, alors ou trouver ki zot même na pas bon. Nous prophète (saw) ki model parfait, ki le livre parfait même fine déssane à travers li par révélation pendant 23 ans, Allah (swt) pas fine donne li le patente pou juge la foi de n'importe ki sane-là. Ene anecdote ki bien frappant pendant so *Nabuwwat*. Mo cite zis sa ti morceau là kot, malgré kot ene musulman ti touye ene non-musulman pendant la guerre, kot sa non-croyant là fine tombe en bas et sa musulman là li fine tenir so l'épée dans so la main pou enfonce sa dans sa non-musulman là, et à sa moment là, sa non-musulman là dire « *La Illaaha Illallhu* » et pas fine dire « *Mohammadur Rasulullah* ». Kante même sa, sa musulman là fine touye li, et sa fine alle devant nous bien-aimé prophète (saw) et le prophète (saw) fine bien, bien encolère et fine demande sa musulman là ki faire li fine touye sa dimoune la. Li réponde le Saint Prophète (saw), li dire ki c'est pou li sauve so la vie ki li fine lire « *La Illaaha Illallhu* ». Hazrat Muhammad (saw) dire li, « *Est-ce-ki to fine ouvert so le cœur to fine guetter si pas seulement pou sauve so la vie ki li fine dire sa ?* »

Le Saint Prophète (saw) fine donne ene l'exemple extraordinaire. Dans le Jamaat Ahmadiyya, ou trouve bane so-called Mullahs couma Munir Javed, Majeed Tahir et les autres pé donne *fatwa* et banes Ahmadis en général fine aveuglé avec banes tel *fatwa* et zot prend sa bane *fatwa* là couma dire c'est bane messages ki déssane du ciel.

Allah (swt) envoie So messenger avec banes messages divine, voila ki zot tourne lé dos avec l'arrogance et zot dire ki sa c'est bane « *so-called revelations* » et zot tous croire aveuglément ki sa c'est vraiment bane « *so-called revelations* ». Dans imbécilité aussi éna ene limite ! Zot népli éna la crainte d'Allah dans zot le cœur. Éna plutôt la crainte créature/s.

Pou faire zot idole plaisir, zot pli penche vers l'infidélité ki vers la foi. Zot dire avec zot la bouche céki pas dans zot lé cœur. Allah (swt) conne plus bien céki zot pé cassette. C'est sa bane dimounes là ki pou prêche ou l'unicité d'Allah et pou amène lé zot vers le chemin droit ? Zot fine prend zot-même comme banes plus grands connaisseurs de la religion. Zot croire ki c'est zot ki conne tous et ki bane lé zot bane vauriens divan zot. Éna ene bane ignorants capave dire, « *Li fine écrire le calife, calife pas fine prend so bane lettres compte. Et les autres couma Munir Javed ki fine bizin donne li ene réponse. Li pas trouver ki le calife pas bizin li ?* »

Tout céki éna vrai serviteur d'Allah li faire, li faire sa pour le plaisir d'Allah, pas pour faire l'homme plaisir, ou sois attention ki dimoune pou dire ! Si mo faire le pas de réconciliation pour oublier nous banes divergences, c'est seulement pou la cause d'Allah, pour nous tous unir pour le plaisir d'Allah et pou mieux prêche le message divine et surtout kot nous trouve nous dans éne seul religion, la religion ki Allah (swt) fine parfaire et fine donne le nom de **ISLAM** ki ti éne sel et bizin éne sel.

Azordi éna tant de division dans l'Islam et aussi dans le Mouvement Ahmadiyya, alors est-ce qui li pas mo devoir pou faire éne appelle au calife du Mouvement Ahmadiyya ? Est-ce qui mo bizin tracasser ki dimounes pé dire ou pou dire, même si le calife pas fine prend compte de sa message ki fine envoie li là ?

Alors sakaine responsable de so action, mo fine faire mo devoir comme éne serviteur choisi d'Allah et de l'Islam. D'ailleurs plusieurs fois mo fine lance éne appelle à tous bane Jamaat ki fine diviser dans l'Islam et même mo fine écrire zot tous, pou dire ki l'Islam fine vine couma éne lé corps en plusieurs morceau ki fine jeté dans plusieurs directions et banes non-croyants ki pas content l'Islam di tout zot saisi sa pou rode fini l'Islam, parce ki zot conné ki nous pas uni, nous pé la guerre entre nous-même, dans nous croire dans éne seule Dieu, éne Livre Divine ki éne guide pou banes *Muttaqi* ; Kante-même sa nous la guerre entre nous-même et péna accorité. Banes freres musulmans pé touye zot freres musulmans de même la foi couma zot-même. Éne vrai serviteur d'Allah pas capave guette tous sa là et li faire appelle à zot tous pou unir, pour oublier nous banes divergences, mette nous bane différences éne coté pour le plaisir d'Allah, pou Allah So Rassool, So Messie, nous unir, parce qui « l'union faire la force ». Nous mette nous

l'arrogance et tous banes les zot z'affaires ene coté, nous obéir céki Allah (swt) fine dire nous, pas bizin guette ki dimoune pou dire. Seulement bane ignorants, imbéciles ki pou ridiculise sa, mais banes *Ulul-al-Baab* ki pou trouve sa ene grand travail pou la cause d'Allah, et zot conné c'est ene commandement d'Allah ki pé appliquer kot Allah (swt) dire :

« Wa- tasimuu bi-Hablil-laahi jamii-aww-wa laa tafar-raquu ».

Tini ferme avec la corde Allah, tout dimoune ensemble, et pas cause division parmi ou.

Donc, si nous pas pé comprend ki Allah (swt) oulé de nous et ici la 'corde d'Allah' céki reste attacher avec le *Tawheed*, l'unicité d'Allah, kan ou pou reste attaché avec l'unicité d'Allah, bé ou pou ena la crainte d'Allah et ou pou obéir bane commandements d'Allah, ou pas pou rejette aucaine commandement divine, ni ou pou piétine bane l'enseignement divine en bas ou li pied avec ou l'arrogance. Donc céki nous pé trouvé azordi jour, c'est sa même ki fine piétiné kot fine ferme la porte de l'*apostola*, la porte de la venue de bane prophètes, et kan ou dire ki péna prophète pou vini, c'est-à-dire pas pou éna révélation divine, la porte révélation aussi fermer et de l'autre coté Jamaat Ahmadiyya fine perdi tous zot crédibilité en pensant ki seulement le calife élu par l'homme tout seul gagne révélation et li même chef spirituel et Allah (swt) pas pou capave élève So Khalifa avec révélation divine.

Si ena pou dire encore lors là ena boucou pou dire. D'ailleurs dans plusieurs de mo banes Khutbah Jummahs dans le passé, kot ena beaucoup lors website aussi, mo fine fini cause lors là.

Donc, li malheureux pou trouvé ki avec sa banes qualités dimounes ki à la tête d'ene Jamaat là, zot empêche bane ki ena la foi suivre chemin Allah. Et zot pou faire mette boycott, dire pas fréquenter, pas inviter dans banes fonction familiale. Zot peur ki attention sa banes dimounes ki ena la foi là gagne *Hidaayat*, gagne la vrai guidance.

Donc kan ena sa banes qualités la tête brûler là lors chaises l'autorité, zot piétine l'enseignement divine et zot couvert la vérité avec mensonge. Zot cassiette la vérité kan zot conne li très bien et c'est zot même ki crée *fitna* dans l'Islam et aussi bel et bien dans Jamaat Ahmadiyya.

Donc, Allah pas content ki So bane créatures, So bane serviteurs vivre dans division, kot Li dire :

« Wa laa takuunun kalla-ziina tafarraquu wakh-talafuu mimbadi maa jaaa-ahumul-bayyinaat. »

Pas vivre couma bane ki cause division et ki disputé même après ki zot fine recevoir banes preuves.

Et dans ene l'autre verset Li dire :

« Wattaqullaaha la-Allahum tufli-huun »

Cherche protection Allah, afin ki ou prospérer.

Ene croyant toujours bizin protection avec So créateur. Ena dimounes, zot manque zot confiance avec zot créateur et zot cherche protection avec créature. Zot oublier ki si créature li là, c'est Allah (swt) même ki fine crée li. Et alors zot fer le contraire. Zot pou tape la porte de banes créatures kan zot dans problèmes. C'est seulement après ki zot tape la porte créatures et ki zot pas trouve aucaine solution ki zot pou tape la porte du créateur. Mais par contre, ene croyant sincère, ki li dans so bonheur et ki li dans malheur li pou cherche toujours la protection d'Allah avant tout, et li conne seulement Allah (swt) ki pou faire li prospérer kot li été. Pou sa croyant sincère la, li conné ki so manger, boire, so la vie, l'honneur, dignité, travail, la santé etc., ki tout trouve dans la main de Celui ki fine crée li, ki fine donne li la vie et ki *Insha-Allah* pou donne li la mort et li pou retourne vers so créateur et li pou apparaitre devant Celui ki fine crée li et donne li la mort le jour du jugement.

Alors très certainement, l'homme bizin toujours reconnaissant envers so créateur et cherche so l'aide et arrive séki arrive li place so confiance dans so créateur, pareil couma Allah dire dans Quran :

« Wa alallaahi falyata-wakkalil-Muminuun »

C'est lors Allah ki bane ki ena la foi bizin place zot confiance.

Ki Allah aide nous pou toujours êtes reconnaissant envers li, et place nous confiance dans Li, et quoi qu'il arrive nous fer saki Li, Li dire nous pou fer, pas saki bane créatures ki fine dévier de So l'enseignements dire nous fer. Tout pouvoir trouve dans la Main d'Allah. Li fer céki Li oulé et pas ena aucaine créature au monde, ki fine né et ki pou né ki pou capave empêche Li fer céki Li envie fer. Allah élève céki Li oulé et Li abaisse céki Li oulé. Tout pouvoir pou Li, et c'est à sakaine d'entre nous maintenant pou tini ferme lors la foi ki nous ena dans Li, et dans tout saki Li fine dire nous ki nous bizin ena la foi. C'est certes pas créature ki pou fer nous dévier de sa, parski si nous écoute créatures au lieu créateur, alors sa bane créatures là pou fer nous glisser ensam avec zot dans zot imbécillité et soif de pouvoir et ignorance. Ki Allah protège l'Ummah de Hazrat Muhammad (saw) et en particulier aussi le Jamaat Ahmadiyya dans so l'ensemble contre sa bane kalité ti l'esprit et ignorant ki croire ki pouvoir et patente donne la foi trouve dans zot la main. *Insha-Allah, Ameen.*